

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI KHAMIS, 7 APRIL 2016, PUKUL 10.00 PAGI**

**Bil. 20**

---

**PERTANYAAN-PERTANYAAN BAGI JAWAB LISAN**

1. PR-1341-L72753  
**Tuan Che Mohamad Zulkifly bin Jusoh [ Setiu ]** minta **MENTERI SUMBER MANUSIA** menyatakan tindakan yang diambil terhadap mana - mana majikan yang menggajikan pekerja dengan hanya menawarkan pekerjaan secara lisan dan tanpa sebarang perjanjian ataupun kontrak secara bertulis.
2. PR-1341-L73442  
**Dato' Haji Mahfuz bin Omar [ Pokok Sena ]** minta **MENTERI PELANCONGAN DAN KEBUDAYAAN** menyatakan :-
  - (a) apakah usaha yang dilakukan untuk memastikan kehadiran pelancong asing tidak hanya tertumpu di satu-satu negeri saja seperti 42 penerbangan sewa khas dari China ke Sabah sempena cuti Tahun Baru Cina 2016; dan
  - (b) kenapa Kementerian bercadang merancang untuk mengadakan promosi bersama syarikat penerbangan SIA untuk melancarkan penerbangan ke bandar-bandar.
3. PR-1341-L71915  
**Datuk Dr. Haji Abd. Latiff bin Haji Ahmad [ Mersing ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapa jumlah penyewa Rumah Transit (RM1M) semenjak dilancar dalam tahun 2014 bagi mengurangkan bebanan pasangan kelamin yang berpendapatan rendah. Adakah Kementerian bercadang untuk meluaskan program ini di bandar-bandar utama lain.
4. PR-1341-L73089  
**Dato' Dr. Mujahid Yusof Rawa [ Parit Buntar ]** minta **MENTERI KESIHATAN** menyatakan status di tahap mana pembinaan Projek Hospital Parit Buntar sehingga kini.

5. PR-1341-L72530  
**Dato' Haji Irmohizam bin Haji Ibrahim [ Kuala Selangor ]** minta **PERDANA MENTERI** menyatakan :-
- (a) berapakah kos sebenar menunaikan haji pada masa sekarang untuk seorang secara perbandingan dengan negara-negara lain dan jumlah sebenar yang dibayar oleh bakal haji serta jumlah yang ditanggung oleh Tabung Haji untuk seorang; dan
  - (b) sejauh manakah Kerajaan berjaya mendapatkan kuota tambahan untuk jemaah Malaysia.
6. PR-1341-L73019  
**Tuan Wong Sze Phin @ Jimmy [ Kota Kinabalu ]** minta **MENTERI KOMUNIKASI DAN MULTIMEDIA** menyatakan usaha Kerajaan bagi meningkatkan kelajuan internet terutamanya di Sabah. Adakah Kerajaan bercadang untuk membenarkan lebih banyak syarikat komunikasi untuk bersaing dalam usaha untuk meningkatkan kelajuan internet dan menghapuskan monopoli oleh Telekom Berhad.
7. PR-1341-L73009  
**Dato' Seri Tiong King Sing [ Bintulu ]** minta **MENTERI KESIHATAN** menyatakan :-
- (a) apakah perkembangan rancangan pihak Kementerian untuk menambahkan bilangan pakar di hospital-hospital besar di seluruh negeri Sarawak terutamanya kawasan Bintulu; dan
  - (b) apakah kekangan yang dihadapi sekiranya masih dalam tahap perancangan dan apakah langkah penyelesaiannya.
8. PR-1341-L73255  
**Tuan Nik Mohamad Abduh bin Nik Abdul Aziz [ Pasir Mas ]** minta **MENTERI KERJA RAYA** menyatakan status terkini pembinaan Lebuh raya Pantai Timur (LPT) dan adakah Kerajaan bersetuju agar pembinaannya disambung sehingga ke Kelantan.
9. PR-1341-L72988  
**Puan Rubiah binti Haji Wang [ Kota Samarahan ]** minta **MENTERI KEMAJUAN LUAR BANDAR DAN WILAYAH** menyatakan :-
- (a) apakah status pelaksanaan projek Pusat Latihan KEMAS di Kota Samarahan; dan
  - (b) apakah kelebihan dan bagaimana Tadika KEMAS melebarkan operasinya untuk terus relevan meskipun bersaing dengan banyak tadika swasta lain.

10. PR-1341-L72526  
**Tuan Ramkarpal Singh a/l Karpal Singh [ Bukit Gelugor ]** minta **PERDANA MENTERI** menyatakan pendirian terkini Kerajaan berkenaan sama ada hukuman mati mandatori yang masih diamalkan di Malaysia akan dihapuskan dan digantikan dengan hukuman yang lebih berperikemanusiaan.
11. PR-1341-L73129  
**Dato' Abdul Manan bin Ismail [ Paya Besar ]** minta **PERDANA MENTERI** menyatakan kewajaran pindaan kepada Akta Rahsia Rasmi (OSA) 1972 dalam memastikan kerahsiaan dan maklumat Kerajaan terpelihara.
12. PR-1341-L72411  
**Tuan Liew Chin Tong [ Kluang ]** minta **PERDANA MENTERI** menyatakan pembentangan rang undang-undang pindaan untuk melaksanakan moratorium terhadap banduan yang dijatui hukuman mati dan jumlah terkini banduan yang mati dan yang telah dihukum mati.
13. PR-1341-L71736  
**Dato' Henry Sum Agong [ Lawas ]** minta **MENTERI KESIHATAN** menyatakan apakah perancangan masa depan Kementerian untuk mengatasi masalah rujukan pesakit yang kian meningkat dari Hospital Lawas ke Hospital Miri dan Kota Kinabalu Sabah yang memakan masa 3 hingga 5 jam perjalanan selain melibatkan kos yang tinggi serta keselamatan dalam perjalanan.
14. PR-1341-L73288  
**Tuan Gooi Hsiao-Leung [ Alor Setar ]** minta **MENTERI KESIHATAN** menyatakan apakah 5 aduan-aduan dan cadangan-cadangan terbanyak diterima daripada borang-borang aduan dan cadangan awam yang diberi keluar di Hospital Sultanah Bahiyah, Alor Setar, dan langkah-langkah yang diambil oleh Kementerian untuk menangani aduan-aduan dan cadangan-cadangan tersebut.
15. PR-1341-L73265  
**Tuan Haji Hasbi bin Haji Habibollah [ Limbang ]** minta **MENTERI KEMAJUAN LUAR BANDAR DAN WILAYAH** menyatakan bilakah Jalan Bawang Obor/Ukong/Mendamit/Mentawal Fasa 2 akan dilaksanakan dan dapatkah penyelenggaraan Jalan Bawang Obor/Ukong/Mendamit/Mentawal Fasa 1 dilaksanakan untuk di "*rehabilitate*" semula kerana keadaan jalan yang sudah teruk.
16. PR-1341-L72970  
**Tuan Nga Kor Ming [ Taiping ]** minta **MENTERI SUMBER MANUSIA** menyatakan secara terperinci berapakah jumlah peluang pekerjaan untuk pekerja asing yang diperlukan mengikut setiap sektor mulai tahun ini sehingga 2018.
17. PR-1341-L72316  
**Datuk Noor Ehsanuddin bin Mohd Harun Narrashid [ Kota Tinggi ]** minta **PERDANA MENTERI** menyatakan adakah indeks syariah Malaysia mampu meningkatkan produktiviti dalam pentadbiran Kerajaan.

18. PR-1341-L73372  
**Dato' Dr. Nik Mazian bin Nik Mohamad [ Pasir Puteh ]** minta **MENTERI KESIHATAN** menyatakan perkembangan cadangan reformasi sistem perkhidmatan kesihatan di Malaysia.
19. PR-1341-L72261  
**Dato' Hasbullah bin Osman [ Gerik ]** minta **MENTERI PENDIDIKAN** menyatakan tentang langkah-langkah pihak Kementerian dalam membendung aktiviti buli di kalangan pelajar di sekolah yang telah menjadi seperti satu budaya di kalangan pelajar pada masa kini agar tidak berulang lagi pada masa akan datang.
20. PR-1341-L71892  
**Tuan Abdullah Sani bin Abdul Hamid [ Kuala Langat ]** minta **MENTERI SUMBER MANUSIA** menyatakan jumlah syarikat yang masih tidak mengikut arahan gaji minima sehingga 1 Februari 2016.
21. PR-1341-L72252  
**Tan Sri Datuk Seri Panglima Annuar bin Musa [ Ketereh ]** minta **MENTERI KOMUNIKASI DAN MULTIMEDIA** menyatakan perkembangan terkini projek televisyen satelit di negeri-negeri di Pantai Timur dan apakah kekangan bagi merealisasikan projek berkenaan.
22. PR-1341-L72274  
**Dr. Haji Izani bin Haji Husin [ Pengkalan Chepa ]** minta **MENTERI KESIHATAN** menyatakan solusi Kementerian bagi mengatasi masalah penempatan lepasan graduan baru pergigian dalam masa yang sama mencapai sasaran kementerian dengan nisbah 1(*dentist*):3000(penduduk) menjelang tahun 2020.
23. PR-1341-L71669  
**Dato' Wira Othman bin Abdul [ Pendang ]** minta **MENTERI PENGANGKUTAN** menyatakan mengapa Kerajaan tidak menjalankan penguatkuasaan bersepadu lebih kerap ke atas pengguna-pengguna lebuh raya Malaysia supaya mereka lebih patuh undang-undang jalan raya.
24. PR-1341-L72297  
**Tuan Jeff Ooi Chuan Aun [ Jelutong ]** minta **MENTERI PENGANGKUTAN** menyatakan adakah Kementerian bersedia untuk menjadikan Pelabuhan Pulau Pinang sebagai *trans-shipment port* terpenting bagi Asean Economic Community (AEC). Apakah jumlah TEUs (Twenty-foot Equivalent Units) yang telah dikelolakan semenjak pengurusannya diambil alih oleh Seaport Terminal (Johore) Sdn. Bhd. pada 2014.
25. PR-1341-L71965  
**Dr. Mansor bin Abd Rahman [ Sik ]** minta **MENTERI SAINS TEKNOLOGI DAN INOVASI** menyatakan apakah Kerajaan telah bersedia untuk bersaing dengan negara-negara maju, di kalangan negara-negara maju TPPA seperti Amerika Syarikat, Jepun dan Australia memandangkan negara-negara tersebut mempunyai kelebihan dari segi R&D berbanding negara kita dan adakah Kerajaan mempunyai mekanisme tertentu untuk membangunkan R&D bagi produk-produk yang akan dihasilkan supaya setanding dengan negara maju terutama dari segi kualiti.

26. PR-1341-L72081  
**Tan Sri Dato' Seri Abd Khalid bin Ibrahim [ Bandar Tun Razak ]** minta **MENTERI PENGANGKUTAN** menyatakan perancangan segera dan jangka panjang oleh semua pihak berkuasa dan berkepentingan berkenaan termasuk Lembaga Pelabuhan Klang bagi menyelesaikan masalah pembuangan sisa pepejal yang semakin meruncing di perairan Pelabuhan Klang terutama di sekitar Tanjung Harapan, Pelabuhan Utara (North Port).
27. PR-1341-L71789  
**Datuk Haji Datu Nasrun bin Datu Mansur [ Silam ]** **MENTERI PERDAGANGAN DALAM NEGERI, KOPERASI DAN KEPENGGUNAAN** minta menyatakan apakah langkah yang telah diambil oleh pihak Kementerian dalam mengawal lambakan barangan eletronik tiruan yang dijual dipasaran dan tidak mendapat standard kelulusan keselamatan oleh pihak berkuasa.
28. PR-1341-L72733  
**Tuan Sim Tong Him [ Kota Melaka ]** minta **MENTERI PENGANGKUTAN** menyatakan projek naik taraf Lapangan Terbang Batu Berendam, Melaka :-
- (a) berikan butir-butir mengenai kos dan jenis kemudahan yang akan ditambahkan; dan
  - (b) adakah projek ini akan terlibat dengan pengambilan tanah termasuk rumah dan kedai di taman berhampiran Lapangan Terbang Batu Berendam ini.
29. PR-1341-L73315  
**Dato' Othman bin Aziz [ Jerlun ]** minta **MENTERI PERTANIAN DAN INDUSTRI ASAS TANI** menyatakan apakah implikasi kewangan ke atas kajian semula Skim Subsidi Harga Padi dan Skim Insentif Input Pertanian untuk padi seperti yang diumumkan oleh Kementerian baru-baru ini.
30. PR-1341-L72939  
**Tuan Ignatius Dorell Leiking [ Penampang ]** minta **MENTERI DALAM NEGERI** menyatakan mengapakah tindakan atas cadangan RCI Sabah masih tidak dilaksanakan hingga ke hari ini dan jika tindakan undang-undang sudah diambil atas orang-orang yang dinamakan sebagai terbabit atau melakukan kesalahan mewarganegarakan PATI di Sabah sepertimana yang terbongkar dalam siasatan RCI Sabah.
31. PR-1341-L73499  
**Dato' Kamarudin bin Jaffar [ Tumpat ]** minta **MENTERI LUAR NEGERI** menyatakan apakah perkembangan terkini perjanjian antara Kerajaan Filipina dengan Wilayah Moro dan apakah peranan Kerajaan Malaysia untuk memastikan perjanjian ini dilaksanakan.
32. PR-1341-L72812  
**Datuk Raime bin Unggi [ Tenom ]** minta **MENTERI KEWANGAN** menyatakan aliran masuk dana asing ke negara ini khususnya ke dalam pasaran bon dan berapa jumlah pegangan asing dalam sekuriti hutang Malaysia.

33. PR-1341-L73462  
**Tuan Wong Ling Bui [ Sarikei ]** minta **MENTERI DALAM NEGERI** menyatakan sama ada peningkatan bayaran levi bagi pekerja asing adalah untuk mengurangkan upahan pekerja asing atau ingin meningkatkan *government revenue*.
34. PR-1341-L72448  
**Puan Siti Zailah binti Mohd Yusoff [ Rantau Panjang ]** minta **MENTERI KEWANGAN** menyatakan adakah Kerajaan bercadang untuk mengurangkan cukai GST ke 3% bagi mengurangkan beban kos yang ditanggung oleh rakyat seluruh negara masa kini.
35. PR-1341-L72670  
**Tuan Shamsul Iskandar bin Mohd Akin [ Bukit Katil ]** minta **MENTERI LUAR NEGERI** menyatakan tindakan segera Malaysia dan langkah-langkah yang telah diambil sebagai anggota Majlis Keselamatan Pertubuhan Bangsa-Bangsa Bersatu bagi meredakan ketegangan hubungan Korea Selatan dan Korea Utara yang berpotensi mencetuskan peperangan di rantau Asia ini.
36. PR-1341-L73542  
**Dato' Seri Mohamed Azmin bin Ali [ Gombak ]** minta **PERDANA MENTERI** menyatakan apakah langkah dan reaksi Kerajaan bagi memulihkan imej negara selepas teguran Majlis Raja-Raja Melayu berikutan isu skandal 1MDB dan "isu derma" yang melibatkan pemimpin tertinggi negara.
37. PR-1341-L72509  
**Datuk Haji Shabudin bin Yahaya [ Tasek Gelugor ]** minta **MENTERI PERTAHANAN** menyatakan apakah langkah-langkah yang bakal dilaksanakan dalam memperjuangkan kebajikan dan sosioekonomi anggota veteran tentera dan keluarga Angkatan Tentera Malaysia (ATM) yang gugur dalam tugas.
38. PR-1341-L73414  
**Tuan Haji Khalid bin Abdul Samad [ Shah Alam ]** minta **MENTERI PENDIDIKAN** menyatakan :-
- (a) sama ada kajian berhubung pelaksanaan Program Dwi Bahasa telah dibuat sebelum ia dilaksanakan; dan
  - (b) sekiranya ada, apakah dapatan kajian tersebut.
39. PR-1341-L72882  
**Datuk Hajah Norah binti Abd Rahman [ Tanjong Manis ]** minta **MENTERI DALAM NEGERI** menyatakan sama ada Kementerian akan mengharam dan mewartakan di bawah satu akta penyalahgunaan daun ketum oleh golongan belia yang semakin meningkat terutamanya di Perlis, Kedah dan Pulau Pinang bagi menghalang masalah ini daripada menular ke seluruh negara.

40. PR-1341-L72358  
**Dr. Hajah Siti Mariah binti Mahmud [ Kota Raja ]** minta **MENTERI PENDIDIKAN** menyatakan apakah polisi Kerajaan kini mengenai Bahasa Melayu sebagai Bahasa Ilmu di Malaysia sudah berubah.
41. PR-1341-L71859  
**Dato' Johari bin Abdul [ Sungai Petani ]** minta **MENTERI DALAM NEGERI** menyatakan :-
- (a) berapakah jumlah penagih dadah yang masih ditahan di semua pusat-pusat tahanan, berapa penagih baru dan berapa penagih berulang; dan
  - (b) adakah panagih-penagih ini tidak boleh digunakan sebagai tenaga pekerja di sektor-sektor tertentu bagi menggantikan pekerja asing dalam sektor-sektor tersebut.
42. PR-1341-L71680  
**Dr. Che Rosli bin Che Mat [ Hulu Langat ]** minta **MENTERI KESIHATAN** menyatakan perkembangan dan kajian terkini selepas Perdana Menteri mengisytihar untuk mempertimbangkan penggunaan *sanofi vaccine dengue* dalam mengatasi masalah denggi.
43. PR-1341-L73365  
**Dato' Ar. Wan Mohammad Khair-il Anuar bin Wan Ahmad [ Kuala Kangsar ]** minta **MENTERI PERDAGANGAN ANTARABANGSA DAN INDUSTRI** menyatakan sama ada Kementerian telah merangka program khusus untuk membimbing usahawan IKS bagi memanfaatkan peluang daripada TPPA dan menghadapi cabaran yang dibawa bersamanya.
44. PR-1341-L72496  
**Dr. Ong Kian Ming [ Serdang ]** minta **MENTERI KESIHATAN** menyatakan status terkini pembinaan hospital baru di Sri Aman dan menjelaskan mengapakan projek ini belum lagi bermula walaupun majlis pecah tanah telah dilakukan dua kali dalam masa 5 tahun.
45. PR-1341-L72957  
**Dato' Ir. Haji Nawawi bin Ahmad [ Langkawi ]** minta **MENTERI PERUSAHAAN PERLADANGAN DAN KOMODITI** menyatakan :-
- (a) apakah ada perancangan bagi mempelbagaikan penghasilan produk baru berasaskan getah untuk menjadikan penggunaan getah di tahap maksimum seterusnya dapat menambahkan pendapatan pekebun kecil getah; dan
  - (b) adakah penetapan harga lantai getah boleh dilaksanakan.

46. PR-1341-L71991  
**Tuan Ng Wei Aik [ Tanjong ]** minta **PERDANA MENTERI** menyatakan apakah usaha yang akan diambil oleh Kerajaan Persekutuan untuk menyelesaikan masalah kewangan yang dihadapi oleh Suruhanjaya Hak Asasi Manusia (SUHAKAM) yang mana peruntukan tahunan bagi 2016 tidak dapat menampung kos-kos tetap yang perlu ditanggung oleh SUHAKAM setiap bulan.
47. PR-1341-L73155  
**Tuan Wong Tien Fatt @ Wong Nyuk Foh [ Sandakan ]** minta **MENTERI DALAM NEGERI** menyatakan status terkini mengenai dua jawatankuasa yang ditubuhkan selepas pengumuman laporan RCI untuk menyelesaikan masalah PATI di Sabah.
48. PR-1341-L72865  
**Tuan Lim Lip Eng [ Segambut ]** minta **MENTERI DALAM NEGERI** menyatakan adakah tender terbuka dijalankan bagi melantik MyEG untuk program pengambilan semula pekerja asing, dan 3 pihak yang dilantik untuk program yang melibatkan caj sebanyak RM1,200 bagi setiap pendatang asing tanpa izin. Bilangan pekerja asing yang mempunyai permit di Malaysia mengikut nama negara asal mereka.
49. PR-1341-L72438  
**Datuk Ikmal Hisham bin Abdul Aziz [ Tanah Merah ]** minta **MENTERI PERDAGANGAN ANTARABANGSA DAN INDUSTRI** menyatakan apakah kesannya kepada nilai eksport Malaysia apabila harga minyak dunia terus menurun.
50. PR-1341-L72158  
**Tuan Idris bin Haji Ahmad [ Bukit Gantang ]** minta **MENTERI KEWANGAN** menyatakan apakah usaha yang Kerajaan lakukan untuk mengurangkan hutang negara yang kian meningkat dari semasa ke semasa dan berapakah unjuran hutang Kerajaan sehingga 2020.
51. PR-1341-L72007  
**Datuk Joseph Salang anak Gandum [ Julau ]** minta **MENTERI KEWANGAN** menyatakan langkah-langkah dan tindakan yang telah dan sedang diambil bagi memastikan kerjaya dalam Kerajaan, syarikat milik kerajaan dan pegangan saham dalam syarikat-syarikat besar serta komposisi lembaga pengarah mencerminkan warna demografi Malaysia sebenar.
52. PR-1341-L72413  
**Dato' Mohd Ariff Sabri bin Abdul Aziz [ Raub ]** minta **MENTERI KEWANGAN** menyatakan :-
- (a) siapakah yang memberi kuasa untuk memindahkan wang dari SRC sebuah unit Kementerian kewangan yang berjumlah RM42 juta ke dalam akaun Menteri Kewangan; dan
  - (b) wang tersebut hanya boleh masuk ke dalam akaun peribadi jika SRC mengetahui nombor akaun. Bagaimana SRC mengetahui nombor akaun dan siapa yang memberi nombor akaun tersebut.



53. PR-1341-L71822  
**Tuan Fong Kui Lun [ Bukit Bintang ]** minta **PERDANA MENTERI** menyatakan sejauh manakah Program Tranformasi Kerajaan (GTP) berjaya membantu merealisasikan program Wawasan 2020 yang diperkenalkan oleh mantan Perdana Menteri Tun Mahathir memandangkan tempoh wawasan semakin hampir ke penghujungnya dan apakah pembetulan yang dilakukan, jika ada.
54. PR-1341-L71636  
**Datuk Seri Panglima Haji Abdul Ghapur bin Haji Salleh [ Kalabakan ]** minta **MENTERI BELIA DAN SUKAN** menyatakan :-
- (a) jumlah Persatuan Belia dan Persatuan Kebudayaan yang berdaftar di negara ini; dan
  - (b) apakah persatuan-persatuan ini mendapat sebarang bantuan kewangan daripada pihak Kementerian. Jika ada, berapa jumlah peruntukan untuk setiap persatuan.
55. PR-1341-L73431  
**Datuk Wira Haji Ahmad bin Hamzah [ Jasin ]** minta **MENTERI PENDIDIKAN TINGGI** menyatakan :-
- (a) senarai IPTA yang mengguna pakai pendekatan PFI dalam membangunkan universiti masing-masing; dan
  - (b) jumlah liabiliti masing-masing dan kaedah serta kadar pembayarannya.
56. PR-1341-L73225  
**Tuan Ahmad Marzuk bin Shaary [ Bachok ]** minta **MENTERI PERTANIAN DAN INDUSTRI ASAS TANI** menyatakan bilakah sasaran nelayan berpendapatan tinggi ingin dicapai di negara kita . Apakah perancangan yang telah berjaya dilaksanakan dan akan dilaksanakan untuk mencapai sasaran tersebut .
57. PR-1341-L71742  
**Dr. Azman bin Ismail [ Kuala Kedah ]** minta **PERDANA MENTERI** menyatakan sama ada Peguam Negara mempunyai kuasa mengarahkan Suruhanjaya Pencegah Rasuah Malaysia (SPRM) atau polis menghentikan sebarang siasatan.
58. PR-1341-L71864  
**Tuan Khoo Soo Seang [ Tebrau ]** minta **MENTERI PENDIDIKAN** menyatakan apakah penentuan kriteria yang digunakan oleh Kementerian untuk menentukan dan memilih karya bacaan serta memastikan karya klasik mempromosikan nilai murni dan perpaduan kaum menjadi pilihan utama kepada pelajar sekolah.

59. PR-1341-L73454  
**Dr. Mohd Hatta bin Md. Ramli [ Kuala Krai ]** minta **MENTERI KEWANGAN** menyatakan :-
- (a) jumlah hutang negara dari 2008 dan 2015; dan
  - (b) senarai peminjam dan jumlah pinjaman yang telah dibuat sepanjang 2008 sehingga 2015.
60. PR-1341-L73076  
**Datuk Seri Noh bin Haji Omar [ Tanjong Karang ]** minta **PERDANA MENTERI** menyatakan berapakah nilai Pendapatan Garis Kemiskinan terkini yang diguna pakai dan bagaimanakah Pendapatan Garis Kemiskinan (PGK) ini ditentukan.
61. PR-1341-L72790  
**Tuan R. Sivarasa [ Subang ]** minta **MENTERI KEWANGAN** menyatakan tindakan yang diambil oleh Kerajaan selepas 1MDB dilaporkan membuat pembayaran USD 850 juta kepada "Aabar Investments PJS Ltd" di British Virgin Islands dan bukan sepatutnya kepada "Aabar Investments PJS" di bawah International Petroleum Investment Co. (IPIC) Abu Dhabi, adakah siasatan dibuat dan apakah hasilnya.
62. PR-1341-L73209  
**Datuk Rozman bin Isli [ Labuan ]** minta **MENTERI PELANCONGAN DAN KEBUDAYAAN** menyatakan apakah langkah-langkah yang akan diambil untuk menyokong dan merealisasikan hasrat Perdana Menteri untuk menjadikan Labuan sebagai pusat pelancongan seperti yang disebut oleh YAB pada lawatan ke Labuan baru-baru ini.
63. PR-1341-L72278  
**Dato' Takiyuddin bin Hassan [ Kota Bharu ]** minta **PERDANA MENTERI** menyatakan adakah kajian terperinci telah dibuat berkenaan cadangan Peguam Negara bagi mengenakan hukuman yang lebih berat bagi kesalahan membocorkan rahsia Kerajaan di bawah Akta Rahsia Rasmi 1972 (OSA).
64. PR-1341-L72229  
**Tuan Wan Hasan bin Mohd Ramli [ Dungun ]** minta **MENTERI KESIHATAN** menyatakan status terkini pembinaan hospital baru Dungun.
65. PR-1341-L73637  
**Datuk Abd Rahim bin Bakri [ Kudat ]** minta **MENTERI PELANCONGAN DAN KEBUDAYAAN** menyatakan apakah Kementerian bercadang untuk menaiktaraf jalan raya di kawasan pelancongan di Daerah Kudat seperti jalan masuk ke '*Northern Tip Of Borneo*', Jalan Bawang Jamal dan Jalan Longgom Kudat dimana terdapat pusat-pusat peranginan eksklusif yang beroperasi di kawasan tersebut.

**ATURAN URUSAN MESYUARAT DAN USUL-USUL**

**1. Menteri Pelancongan dan Kebudayaan akan mencadangkan :**

“Bahawa mengikut Peraturan Mesyuarat 86(5), maka Penyata Jawatankuasa Peraturan-Peraturan Mesyuarat dibentangkan di atas meja Mesyuarat di dalam Dewan ini sebagai Kertas Dewan Rakyat DR.2 Tahun 2016 hendaklah diterima dan dipersetujukan.

- |    |               |   |                               |
|----|---------------|---|-------------------------------|
| 2. | (D.R.9/2015)  | Rang Undang-undang Kanun Tatacara Jenayah (Pindaan) 2015      | <b>Bacaan Kali Yang Kedua</b> |
|    |               | <b>[Menteri di Jabatan Perdana Menteri]</b>                   |                               |
| 3. | (D.R.12/2015) | Rang Undang-undang Keterangan (Pindaan) 2015                  | “                             |
|    |               | <b>[Menteri di Jabatan Perdana Menteri]</b>                   |                               |
| 4. | (D.R.1/2016)  | Rang Undang-undang Bekalan Gas (Pindaan) 2016                 | “                             |
|    |               | <b>[Menteri di Jabatan Perdana Menteri]</b>                   |                               |
| 5. | (D.R.4/2016)  | Rang Undang-Undang Agensi Antidadah Kebangsaan (Pindaan) 2016 | “                             |
|    |               | <b>[Menteri Dalam Negeri]</b>                                 |                               |
| 6. | (D.R.5/2016)  | Rang Undang-Undang Ordinan Peguam Bela (Sabah) (Pindaan) 2016 | “                             |
|    |               | <b>[Menteri di Jabatan Perdana Menteri]</b>                   |                               |
| 7. | (D.R.6/2016)  | Rang Undang-Undang Ordinan Perkapalan Saudagar (Pindaan) 2016 | “                             |
|    |               | <b>[Menteri Pengangkutan]</b>                                 |                               |

8. (D.R.35/2015) Rang Undang-undang Persaingan “  
(Pindaan) 2015

**[Menteri Perdagangan Dalam Negeri,  
Koperasi dan Kepenggunaan]**

9. PR-1341-U72985

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa pembangunan infrastruktur di negeri Sabah masih jauh ketinggalan berbanding dengan negeri-negeri lain di Malaysia. Dan mengambil maklum juga bahawa negeri Sabah memerlukan lebih banyak dana demi untuk membangunkan kemudahan infrastruktur sekali di kawasan luar bandar serta keperluan-keperluan lain seperti masalah tebatan banjir, projek perumahan rakyat termiskin dan lain-lain. Dan mengambil maklum juga bahawa rakyat negeri Sabah juga beraspirasi seperti rakyat negeri Sarawak, sepertimana yang dinyatakan oleh YAB Tan Sri Adenan Satem (Ketua Menteri Sarawak) ingin memohon agar royalti minyak dapat dinaikkan kepada kadar 20%. Dan mengambil maklum juga, sekiranya royalti minyak dinaikkan pada kadar 20%, maka dengan lebihan dana tersebut, kerajaan negeri Sabah akan dapat melaksanakan keperluan-keperluan di atas dengan lebih baik dan cepat lagi. Maka, bagi meredakan rungutan dan tuntutan rakyat negeri Sabah, maka Dewan yang mulia ini hendaklah mengambil ketetapan bahawa Kerajaan Malaysia menaikkan kadar royalti minyak bagi negeri Sabah kepada kadar 20% dan sekaligus membolehkan negeri Sabah membangun dengan lebih pesat lagi."

**[ Perdana Menteri ]**

10. PR-1341-U73002

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa kesesakan Jalan Putatan merupakan rungutan hampir setiap pengguna jalan tersebut. Dan mengambil maklum juga bahawa Jalan Putatan merupakan sebahagian daripada rangkaian Jalan Pan Borneo Highway yang mana sepatutnya mendapat perhatian utama dan bebas kesesakan. Dan mengambil maklum juga, bahawa kesesakan Jalan Putatan juga disebabkan rekabentuk yang kurang baik di mana terdapat terlalu banyak U-Turn dan simpang, yang menjadi penyebab utama kelancaran aliran trafik selain menjadi punca kemalangan. Dan mengambil maklum juga, bahawa kesesakan Jalan Putatan dapat diatasidengan membina sebatang Jalan Pantai (Coastal Highway) alternatif yang menghubungkan pekan Tanjung Aru dengan Pekan Kinarut. Dan mengambil maklum juga bahawa, sekiranya jalan pantai alternatif yang dimaksudkan dibina, ianya juga boleh membantu untuk mengelakkan hakisan pantai di sepanjang laluan tersebut. Dan mengambil maklum juga bahawa, untuk membina jalan baru sebagai laluan alternatif bagi Jalan Putatan akan menelan belanja yang besar terutama sekali bagi tujuan pampasan tanah yang dilalui."

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah membina jalan pantai alternatif bagi Jalan Putatan demi untuk keselesaan rakyat yang menggunakan laluan tersebut."

**[ Menteri Kerja Raya ]**

11. PR-1341-U73023

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa keengganan Kerajaan Persekutuan untuk mengiktiraf keputusan Peperiksaan Unified Examination Certificate (UEC) telah menimbulkan banyak kontroversi dan masalah terutama sekali kepada pelajar dan ibu/bapa pelajar yang terlibat. Dan mengambil maklum juga bahawa Negeri Sarawak merupakan negeri pertama di negara ini yang mengiktiraf keputusan peperiksaan UEC sepertimana yang diumumkan oleh YAB Tan Sri Adenan Satem dan sekali gus membolehkan pelajar terlibat meneruskan pengajian mereka dengan tanpa halangan di negeri Sarawak, misalnya di Universiti Malaysia Sarawak. Dan mengambil maklum juga bahawa dengan keengganan Kerajaan Malaysia untuk mengiktiraf keputusan peperiksaan UEC, pelajar yang terlibat terpaksa meneruskan pendidikan mereka di luar negara dan seterusnya bekerja serta menetap di luar negara adalah merupakan kerugian besar negara sebagaimana yang ditekankan oleh YAB Ketua Menteri Sarawak. Dan mengambil maklum juga, bahawa ramai pelajar dan ibu/bapa menganggap bahawa polisi untuk tidak mengiktiraf keputusan peperiksaan UEC ini bersifat diskriminasi di mana pelajar tersebut tidak berpeluang untuk berkhidmat dengan sektor awam di Malaysia. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah mengiktiraf keputusan peperiksaan Unified Examination Certificate bagi membolehkan pelajar yang terlibat meneruskan pendidikan mereka di negara ini serta berkhidmat di sektor awam di negara ini."

**[ Menteri Pendidikan ]**

12. PR-1341-U73036

**Datuk Dr. Makin @ Marcus Mojigoh [ Putatan ]** akan mencadangkan:-

Bahawa Dewan ini mengambil maklum bahawa kualiti air Sungai Sembulan adalah amat tercemar dan tidak sihat sama ada bagi hidupan marin mahupun bagi ekosistem marin negara ini. Dan mengambil maklum juga bahawa Sungai Sembulan merupakan rangkaian akhir aliran air dari beberapa siri saliran dan parit daripada beberapa taman perumahan yang berpenduduk padat, sebelum aliran air dilepaskan ke laut. Dan mengambil maklum juga bahawa kebanyakan sistem merawat air kumbahan yang ada di kawasan Bahawa Dewan ini mengambil maklum bahawa kualiti air Sungai Sembulan adalah amat tercemar dan tidak sihat sama ada bagi hidupan marin mahupun bagi ekosistem marin negara ini.

Dan mengambil maklum juga bahawa Sungai Sembulan merupakan rangkaian akhir aliran air dari beberapa siri saliran dan parit daripada beberapa taman perumahan yang berpenduduk padat, sebelum aliran air dilepaskan ke laut. Dan mengambil maklum juga bahawa kebanyakan sistem merawat air kumbahan yang ada di kawasan perumahan yang terlibat tidak lagi efisien untuk merawat air kumbahan tersebut sebelum dilepaskan ke saliran-saliran atau parit-parit yang akhirnya mengalir ke Sungai Sembulan sebelum berakhir ke laut. Dan mengambil maklum juga bahawa sebahagian besar terumbu karang di sekitar perairan negeri Sabah telah musnah disebabkan oleh aktiviti manusia seperti pelepasan air kumbahan yang tidak terawat ke laut. Diketahui bahawa kemusnahan terumbu karang (Coral Bleaching) merupakan satu daripada penyebab utama pemanasan global. Dan mengambil maklum juga bahawa negara Malaysia adalah merupakan salah sebuah negara penyokong dan pendokong gerakan United Nation Environment Programme (UNEP) sesuai dengan deklarasi Global Climate Change Conference, Copenhagen 2009. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah menyediakan satu dana khas bagi tujuan pembinaan loji rawatan air kumbahan di sekitar Sungai Sembulan sebelum air sungai tersebut dilepaskan ke laut bagi menyelamatkan ekosistem laut negara ini."

**[ Menteri Sumber Asli dan Alam Sekitar ]**

13. PR-1341-U71877

**Tuan M. Kulasegaran [ Ipoh Barat ]** akan mencadangkan:-

"Bahawa Dewan ini hendaklah mengambil maklum bahawa rang undang-undang harus digubal untuk mengelakkan kes penukaran agama kanak-kanak di bawah umur secara unilateral dengan adanya penguatkuasaan undang-undang yang sewajarnya serta berpadanan dengan nasihat Kabinet pada 2009 iaitu kanak-kanak dikekalkan agama asal mereka sebelum penukaran agama itu berlaku."

**[ Perdana Menteri ]**

14. PR-1341-U73419

**Dr. Tan Seng Giaw [ Kepong ]** akan mencadangkan:-

"Bahawa Dewan akan membincangkan keberkesanan Malaysia mencegah serangan ganas."

**[ Menteri Dalam Negeri ]**

15. PR-1341-U71858

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan mempergiatkan usaha untuk menyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia."

**[ Perdana Menteri ]**

16. PR-1341-U71862

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urus tadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

**[ Menteri Kesejahteraan Bandar, Perumahan dan Kerajaan Tempatan ]**

17. PR-1341-U71883

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum serta menyedari bahawa Lembaga Tabung Haji adalah sebuah institusi kewangan yang penuh dengan kejayaan dan amat membanggakan rakyat Malaysia khususnya umat Islam. Institusi ini juga menjadi contoh untuk negara Islam yang lain ikuti. Maka ianya mesti dijaga dengan penuh ketelusan dan amanah. Sebarang penyelewangan wajib diambil tindakan pantas dan menyeluruh dan jika ianya runtuh maka orang yang mesti dipersalahkan ialah Perdana Menteri."

**[ Perdana Menteri ]**

18. PR-1341-U71884

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum bahawa Yayasan Pembangunan Ekonomi Islam Malaysia (YaPEIM) sebuah pertubuhan yang mendapat sokongan umat Islam di Malaysia. Yayasan ini tertegak dengan niat yang penuh suci bagi membangunkan ekonomi umat Islam di samping menolong mereka yang tidak bernasib baik. Oleh sebab itu sokongan berterusan dari individu dan institusi kepada Yayasan ini membuktikan umat Islam negara ini amat prihatin dengan apa yang terjadi dalam masyarakat Islam. Tetapi membiarkan segelintir individu mengambil kesempatan dari kejayaan Yayasan ini hendaklah dikutuk sekeras-kerasnya."

Tindakan lembab oleh Menteri dan Kerajaan dalam memantau perjalanan kewangan Yayasan ini juga harus menerima celaan. Sepatutnya semua pihak yang membelanjakan wang YaPEIM bukan pada tempatnya walaupun 'legally right' tetapi tetap 'morally wrong', mesti bertanggung jawab dan meletakkan jawatan atas kadar segera."

**[ Perdana Menteri ]**

19. PR-1341-U71886

**Dato' Johari bin Abdul [ Sungai Petani ]** akan mencadangkan:-

Bahawa Dewan ini mengambil maklum kehidupan rakyat makin dihipit dengan harga barangan yang makin naik dan tidak terkawal akibat pengenalan cukai GST dan pengecilan nilai Ringgit. Semua rakyat di setiap lapisan masyarakat amat merasai keadaan ini. Kerajaan harus bertindak berani seperti yang pernah dilakukan oleh Mantan Perdana Menteri Tun Dr Mahathir Mohamad bila negara menghadapi masalah ekonomi yang mencemaskan pada penghujung tahun 90an. Tindakan utama yang mesti diambil sekarang ialah dengan mengurangkan perbelanjaan di Jabatan Perdana Menteri dan Kerajaan mesti mengamalkan sikap berjimat cermat di semua peringkat pentadbiran negara."

**[ Menteri Kewangan ]**

20. PR-1341-U71888

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini menggesa Kementerian Pendidikan mengambil langkah-langkah segera supaya pelajar-pelajar kita mempunyai pengetahuan dan kebolehan bertutur dalam banyak bahasa terutamanya Bahasa Inggeris, Arab dan Mandarin akan membantu pelajar-pelajar kita bila meninggalkan alam persekolahan dan universiti nanti. Bahasa ini amat luas digunakan dalam kegiatan harian dan perniagaan dalam negeri dan luar negara. Majikan pasti akan mengambil pekerja yang berkebolehan lebih dari satu bahasa, kerana ianya akan menguntungkan majikan dalam banyak aspek. Ketiga-tiga bahasa ini bukanlah sesuatu yang asing bagi kita. Kerajaan harus melihat bagaimana mengintegrasikan pengajaran bahasa-bahasa ini ke dalam sistem pendidikan yang sedia ada. Bayangkan seorang anak Malaysia fasih berbahasa Inggeris, Arab, Mandarin dan dapat mengungkapkan Bahasa Malaysia yang teratur. Sayang sekali apa yang kita sedia ada tidak dimanfaatkan untuk generasi akan datang."

**[ Menteri Pendidikan ]**



21. PR-1341-U71890

**Dato' Johari bin Abdul [ Sungai Petani ]** akan mencadangkan:-

"Bahawa Dewan ini mengambil maklum data jumlah pendatang asing yang berdokumen dan tidak berdokumen akan berbeza dari satu agensi kerajaan dengan agensi yang lain. Malah Menteri sendiri menjawab dalam Dewan Parlimen dengan menggunakan perkataan "ini anggaran". Ini bermaksud tiada siapa yang mempunyai data sebenar tentang berapa jumlah Bukan Rakyat Malaysia yang berada di sini. Ini amat membahayakan negara. Kerajaan mesti mengambil tindakan yang berterusan bagi mendaftar mereka yang tidak berdokumen. Tindakan mendaftar dengan mengambil tindakan undang-undang terhadap mereka adalah dua perkara yang berbeza. Yang penting adalah setiap manusia yang berada di negara ini mesti mempunyai dokumen. Tindakan segera mesti diambil dan mestilah berterusan."

**[ Menteri Dalam Negeri ]**

22. PR-1341-U72582

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

**[ Menteri Kesejahteraan Bandar, Perumahan dan Kerajaan Tempatan ]**

23. PR-1341-U72584

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

**[ Menteri Dalam Negeri ]**

24. PR-1341-U72589

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

**[ Menteri Pendidikan ]**

25. PR-1341-U72617

**Tuan Chua Tian Chang @ Tian Chua [ Batu ]** akan mencadangkan:-

"Bahawa Dewan ini akan menggesa Kerajaan untuk menegakkan prinsip berkecuali sebagaimana yang ditetapkan dalam Non-Alliance Movement (NAM) dan menegaskan bahawa Malaysia tidak akan mengambil bahagian atau menghantar askar untuk menyertai gabungan tentera yang dipimpin Arab Saudi dalam serangan terhadap Yemen, Syria atau mana-mana negara di Timur Tengah."

**[ Menteri Luar Negeri ]**

26. PR-1341-U72624

**Tuan Chua Tian Chang @ Tian Chua [ Batu ]** akan mencadangkan:-

"Bahawa Dewan ini menggesa Kerajaan untuk membantu penganggur dengan menyediakan bantuan kewangan secara tunai sebanyak RM1200 sebulan untuk tempoh 3 bulan selepas diberhentikan. Skim ini membolehkan pekerja-pekerja yang menganggur menjamin sara hidup mereka sewaktu mencari pekerjaan baru."

**[ Menteri Sumber Manusia ]**

**RISALAT YANG DIBAWA KE DALAM MESYUARAT**  
**(DEWAN RAKYAT)**

<b><u>TAHUN</u></b> <b><u>2016</u></b>	<b><u>RISALAT/DOKUMEN</u></b>	<b><u>TARIKH</u></b> <b><u>DIBENTANGKAN</u></b>
DR. 3	Laporan Jawatankuasa Kira-Kira Wang Negara Parlimen Ketiga Belas / Kawalan Pengurusan Tadbir Urus 1Malaysia Development Berhad (1MDB)	7 April 2016